

POZIV ZA PRIJAVE KOMPANIJAMA PODRŠKA CIRKULARNOJ TRANZICIJI

Circular Economy Beacons (CE BEACONS) je međunarodni projekat koji za cilj ima kreiranje jedinstvenog ekosistema koji će podržati inovacije i implementaciju cirkularne ekonomije. Osnovna ideja ovog projekta jeste stvaranje fizičkog prostora koji će omogućiti inovatorima da kreiraju, testiraju i komercijalizuju eko-inovacije i na taj način pomognu malim i srednjim preduzećima da implementiraju cirkularni model poslovanja. Osnovni cilj projekta jeste implementacija cirkularnih inovacija u mala i srednja preduzeća.

Glavna orijentacija CE BEACONS -a za naredne godine je - sistemska poslovna podrška. Konzorcijum od sedam partnera, direktno uključenih u razvoj cirkularnih inovacija na Balkanu, rade na izgradnji ekosistema cirkularne ekonomije koji će premostiti neke od najočiglednijih praznina u tranziciji ka klimatski neutralnoj cirkularnoj ekonomiji u regionu:

- Nedostatak razumijevanja o konkretnim cirkularnim poslovnim mogućnostima
- Nedostatak inovativne cirkularne poslovne kompetencije

CirEkon (Srbija), Privredna komora Srbije (Srbija), Cleantech Bugarska (Bugarska), Istraživački centar Atina (Grčka), Privredna komora (Rumunija), Wuppertal Institut (Njemačka) i REIC (Bosna i Hercegovina) uz punu podršku EIT Climate - KIC -a su 2020. godine započeli saradnju na rješavanju gore navedenih problema.

U našim zemljama cirkularna ekonomija se najčešće poistovjećuje sa recikliranjem. Takvo razumjevanje se mora promijeniti i usmjeriti se ka poslovanim inovacijama. U poređenju sa zemljama Evropske Unije, implementacija cirkularne ekonomije je na vrlo niskom nivou u zemljama Balkana, inicijative za cirkularnu ekonomiju su na početku razvoja sa veoma neusklađenim propisima. Projektni tim namjerava stvarati pozitivne promjene i uspješne priče u današnjem poslovanju, biti svojevrsni katalizator razvoju i implementaciji cirkularne ekonomije.

In consortium with:



CE BEACONS je orijentisan ka sistemskoj implementaciji CE inovacija. te je kroz projekat CE BEACONS predviđeno da se:

- premoste praznine između inovacionih centara, kompanija i kreatora politike;
- procijene i usklade politike kroz proces mapiranja regionalnih (balkanskih) potreba u vezi sa razvojem regionalnih rješenja za regionalno prepoznate izazove u kontekstu cirkularne ekonomije;
- definišu argumenti za poslovnu tranziciju u kontekstu cirkularne ekonomije koji se temelje na činjenicama i empirijskim podacima, kao i prepoznatim izazovima poslovne tranzicije.

CE Beacons je protekle godine proveo složenu analizu poslovnih potreba i procijenio potencijal za sistemsku poslovnu saradnju za (post COVID) tranziciju CE u našimregijama. S tim u vezi je kroz projekat previđeno da se izvrši procjena nivoa „cirkularnosti“ kompanije i ovom prilikom pozivamo Vas da se pridružite projektu na sljedeći način:

KAKO?

1. DEFINISANJE POSLOVNIH IZAZOVA

Vaš prepoznati izazov ćemo uokviriti na sistemski, cirkularan način, sa fokusom na perspektivu Vašeg poslovanja uzimajući u obzir cijeli sistem životnog ciklusa i lanca snabdijevanja.

2. SISTEMSKA ANALIZA POSLOVANJA U CE KONTEKSTU

Sortirat ćemo izazove određene sistemskom procjenom Vašeg trenutnog poslovnog stanja u kontekstu cirkularne ekonomije. Kroz ovaj korak ćemo analizirati trendove, otkriti sistemske barijere i mogućnosti, te odrediti žarišta gdje promjene treba implementirati uz upotrebu najnovijih metoda, alata i cirkularnih okvira.

In consortium with:



3. OBUČITE SVOJE UPOSLENIKE ZA ŠTO LAKŠU TRANZICIJU

Znamo da je najbolja promjena ona koja dolazi iznutra. Da bi se uspješno i brzo provele organizacione i poslovne promjene sistema(kompanije) neophodno je podizanje znanja uposlenika. To je razlog zašto trebamo/ćemo organizirati proces edukacije/obuke koji će vašim zaposlenicima pokazati kako prepoznati, odlučiti i upravljati kružnom transformacijom u vašoj organizaciji.

4. DEFINIRANJE OKVIRA ZA DALJI RAZVOJ

Dizajniranje cirkularnih rješenja se ne odnosi samo na brigu o otpadu. Cilj CE BEACONS-a je pokretanje sistemskih promjena, novih poslovnih modela, cirkularnog dizajna i drugih domena koje će povećati vrijednost vašeg proizvoda/usluge, dok će posljedično ublažiti probleme otpada, zagađivanja okoliša, te povećati operativnu efikasnost proizvodnje i isporuke. Isporučit ćemo razvojni/provedbeni plan za naredne godine i ponuditi dodatnu podršku u toj tranziciji.

5. MAPA POTENCIJALNIH IZVORA INVESTICIJA

Naši partneri će istražiti mogućnosti u vezi sa ulaganjima i finansiranjima povezanih izravno s cirkularnim inovacijama i cirkularnom poslovnom podrškom od strane lokalnih, regionalnih, i međunarodnih izvora, a mi ćemo mapirati mogućnosti za finansijsku podršku/ulaganje kako bismo Vam omogućili da započnete sa CE tranzicijom.

6. ZAVIRITE U NAŠE MEĐUNARODNE MREŽE

Trenutno CE Beacons obuhvata CE aktere iz 6 zemalja. Izgrađujemo kapacitete kako bi uspotavili detaljan pregled tržišta, politika, potreba, izazova, aktera, centara i fondova za istraživanje i inovacije. Gradimo i proširit ćemo svoj ekosistem usluga isključivo posvećen cirkularnoj ekonomiji, gradeći mostove sa naprednijim tržištima i međunarodnom stručnošću, kako bi smanjili potrebno vrijeme za implementaciju cirkularnih inovacionih sistema.

Cirkularne sistemske inovacije stavljamo u epicentar našeg postojanja, a jedinstveni i ujedinjeni cilj je da budemo ***Vaša podrška kroz sistemsku CE tranziciju.***

Ovom inicijativom pozivamo Vas da postanete dio naše mreže.

In consortium with:



KOGA TRAŽIMO?

Tražimo kompanije koje su u svojim procesima, poslovnim sistemima i/ili lancima snabdjevanja prepoznale izazove koji se, uglavnom, tiču materijala ili energije. Tražimo kompanije koje su ocijenile da se njihovi proizvodi nakon odlaganja i dalje mogu ponovno koristiti kao cjeloviti proizvodi, ili da se mogu iskoristiti kao komponente ili materijali za iste ili druge svrhe.

Također tražimo kompanije koje su spremne inovirati i diferencirati se na tržištu poštujući princip odgovornog poslovanja slijedeći načela karbonski neutralne cirkularne ekonomije.

ŠTA NUDIMO?

Nudimo odgovore na sljedeća pitanja:

- Odakle započeti CE tranziciju?
- Šta trebate znati o svom lancu vrijednosti da biste odredili svoju CE poziciju?
- Kako biste trebali koristiti alate za proces CE tranzicije?
- Šta trebate promijeniti u poslovanju (iz perspektive životnog ciklusa)?
- Koje kapacitete trebate izgraditi da biste održali uspostavljene promjene?
- O čemu morate voditi računa da bi uspješno plasirali nove proizvode/usluge?

Sve je ovo osmišljeno kako bi vam sistemski pomogli u prelasku na cirkularno poslovanje.

In consortium with:



Proces prijave

Kako da znamo da ste baš Vi ona kompaniju za kojom tragamo?

Pošaljite nam sažeto motivaciono pismo kroz koje ćete navesti koji je Vaš nivo cirkularnosti, koji je Vas CE izazov i koji su Vaši planovi za budućnost u kontekstu cirkularne ekonomije.

Vaše motivaciono pismo možete dostaviti na: **a.sovsic@reic.org.ba** najdalje do **05.11.2021, 12:00 h.**

Napomena: Nećemo moći obraditi nijednu aplikaciju poslanu nakon isteka roka.

In consortium with:

